




黃葉夕陽村舍詩

一

113  
985  
1





113  
985  
1

弘化丁未歲鐫

管茶山先生著

黃葉夕陽却舍詩

浪華書林 積玉園梓

刻黃葉夕陽却舍詩序

京師書肆分倫中源子和乞刻茶山先生詩  
浪華書肆乞就余乞之二書肆之乞不期  
而用先生名詩久矣其集之出余輩固所望  
於是試請諸先生先生不許而二書肆乞乞  
益力先生曰我於刻已第信卿遺藁曰循  
未果彼若成我之志則我亦從彼乞乞書肆  
喜而諾乃斯集遂上未附以信卿遺藁  
魯堂那波先生其師也春水賴翁其至友

黃葉夕陽

大正十五年二月  
花房仙水所贈



也六如上人其方外知音也其批評應若存各  
篇間賴子成春水子也去歲寓于管氏校閱  
之次亦如其言今皆併存刻成徵序于末  
余之淺陋其漫何言特著其鏤故之旨不  
敢為一辭之贊蓋以諸家之言既備也且先  
生詩無待于余序具眼者各有取焉耳余  
嘗聞袁中郎自刻其集幾賣却柳湖莊  
衙拉求售誰肯然矣先生之撰則異之不  
自於而書肆乞之乞之不已則知在望斯集

不翅余輩斯集一出安知使人不有焚華不  
硯之嘆乎哉

文化庚午冬月

倫前 小原正修業夫題并書





六如上人書二通

禮所及下洛橋判袂年已倏三指雛鴈  
魚往來終不若一面暗棕湖秋月雙林  
夜雨每一念及未曾不慨然乎歲月易  
過良覲難再也今春心已忘過之治  
例箕畢作崇九十年陰開口得意不  
兩三日况衰殘年加一年歡意未央感  
慨已係之雖然此亦人生常事非已一



人止何足深嗟乎頃天色清和太古之  
山小年之日掃地焚香支頤對嵐山懷  
抱頗暢適因披尊集從頭讀之初謂  
雖遽卒業既而漸入蔗境惟覺卷易  
竟其間遭田野閑適則令人有去年  
擊壤之想遭朋好盍簪則又有嚶鳴  
相和之情山水雲煙樵歌牧笛城關都  
邑妓席文筵色色皆若親臨其地至

若狂風咏史法篇則憂國傷時之感  
慷慨悲慘殆不能終篇蕭愴之譽紀  
天之受知不我之欺矣一編三局情重  
想輕陽舒陰慘雖則文字之妙使然  
抑何鼓動人之至于斯也要之才情風  
發天真爛熳為當世罕其倫矣彼蒼  
奚為者使若人頓之江東蘆葦中嘆  
長太息若夫一二拙幹亦惟酬知己之



萬一而已諺所謂當局者迷傍觀則明  
安知當堯之言不在傍觀之例也意者  
足下之於余亦猶余之於足下也是以  
非人皆然只恃高明簡裁耳書到  
卜此不省夕陽之在山秧鷄數聲喚醒  
人之痴兀遙回首天涯遂以閣筆云  
孟夏六日周白

管君茶山案下

他人吟卷讀之未過兩三篇已倦而  
睡若茲集似啖甘蔗只恨其易了又  
如石蜜中邊皆甜每竒瑰橫陳性  
使人自視缺然禮所足下深自保重  
天下後世必有公論矣周白



此處為書中內容，文字極其模糊，似有詩句或序言，但難以辨認。

黃葉夕陽村舍詩凡例

- 一 第一卷係癸卯以前所作原稿罹災僅餘一本仍舊分體
- 一 癸卯以後隨時混錄不復分體而注于文於歲首詩題下
- 一 六如上人書在第三第四之後是還詩稿時所附書蓋以充跋言今移置卷首
- 一 稿舊無注芳埜開原二篇由六如師言附注其後
- 一 吊葛子琴詩注特詳焉此寄其家時所具以其



遺孤不悉平生也若中山子幹像贊事故頗多而不注其由人或以為難了而併其他詩無非實際則不違一一舉本事也

第九卷附信卿詩第十卷錄其文蓋先生存在其雜著有誤他日信卿蓋棺矣不得不併存

黃葉夕陽村舍詩目錄

卷第一

古今體詩百四首 係天明壬寅以前

附新樂府七首

卷第二

古今體詩百五十首 自天明癸卯至乙巳

卷第三

古今體詩百四十二首 自天明丙午至寬政辛亥

卷第四

古今體詩百十二首 自寬政癸丑至丁巳 前二年丁憂無詩

卷第五



古今體詩百二十九首自寬政戊午至庚申戊午以前二年丁憂無詩

卷第六 古今體詩七十九首自享和辛酉至癸亥

卷第七 古今體詩八十九首文化甲子

卷第八 古今體詩百十一首自文化乙丑至己巳

卷第九 附録耻菴詩百六十六首

卷第十 耻菴文二首隨筆十二首

黃葉夕陽村舍詩卷之一

備後 菅晉帥禮卿

春日雜詩

隴隴山氣曙 靄靄野烟滋 濯濯門前柳 郁郁園中梅  
林鳥求其友 啾啾在高枝 兒童喚其侶 欣欣戲路歧  
傷此單居客 幽懷將訴誰

其二

郊村一夜雨 更添柳梢綠 春色日以深 和風日以煥  
將欲賞芳辰 使兒輟誦讀 東舍持嘉魚 西隣薦芳醪  
相將上高原 聊以縱遠目

魯臺曰 物皆得 所已獨 不然詩 人之感 非無以



其三

行間雖  
黃魯堂  
及六如  
所加

芳草生路傍梅花滿村邊遠田明水色白鷺集復翻  
入春才二旬韶華遍川原瞻此景物佳忻我身世閒  
作詩寫幽懷飲酒解愁顏時亦有同心友依依不可護  
春風自東至習習催鳴禽萬物日已以和傷我索居心  
憶昔在京洛與君結蘭金開快論疑義置酒話幽襟  
同宿雲霧窟共醉桃李隈一別十餘歲殊隔劇商參  
君若路傍蘭移植於中林雖則適其性芳香有誰尋

寄紀州西山子綱

魯堂曰  
述夢裡  
語如句  
格特佳

伊昔肄經史舒卷與君俱困倦相警勵忻戚共笑吁  
時或出僑舍緩步洛城隅洛城佳麗地山水鬱且紆  
討論信足樂吟眺聊可娛况此同盟侶襟懷自相符  
一旦告言歸各自即脩途君陟紀山阪我乘播海臚  
相去千餘里音息隔年無宿昔夢邂逅髣髴立中衢  
問余今何若別來何太癯欲言淚先下握手火踟躕  
耳底聲猶在殘燈耿書牖起見東方白故人何其昨  
感事贈拙壘先生先生緣事將移居洛東門  
人為築行窩於上成村  
聯翩雲中鶴載飛載和鳴與君生並世又辱同社盟  
琢切勵頑魯麗澤啓晦旨曲蓬依叢麻不矯直其莖



抹葵古有箴附驥豈無情所恐踈慵性孤君訓告誠

其二

訓告申篤好趨舍存道風君抱古人節能為今世容  
飢鳥嚇腐鼠怒鵬搏層穹群情各有執賢士固自窮  
仰瞻浮雲聚否塞曷云通願元松栢操與君守嚴冬

其三

嚴冬繁霜雪我心多憂端豈無蘭與蕙久已斂芳芬  
疵賤物所棄耿介聊自珍碩果終不食靈管輅回春  
物理有如此何必傷我神嗟彼叔棘林偏蒙雨露恩

其四

叔棘塞莊達條幹日樞蟲出門理輕策何地託吾足  
處世若朝露所尚存逸樂焉驅千金身管々狗籠辱  
歸來抽架骨獨向橋軒讀々罷再三歎斯意將誰告

其五

三嘆耿不寐展轉夜何其皎々寒月光依々入牀帷  
疇昔夢容顏言笑宛在茲鄉縣非孔鮒招尋動相違  
何錫我嘉類而使恆乖離但願釋客勞良訊無絕期

寄肥後戴先生

昇平百餘年人文隨日盛作賦輕揚馬談經茂盧鄭  
周末競奇論晉初尚怪行時名或得之無廼叛先聖

六石曰教  
百歲之事  
周晉二句  
未足以  
之  
以下不署  
名者不係  
六知評



賴子成曰  
周公似不  
解所引之  
意

粗朴二字  
太不穩  
結二句大  
意

大道竟多岐，憑誰辨邪正。西方有美人，容姿也罕比。  
腰有蕙，萑佩身著艾，荷衣所服雖鹿朴，所居生光輝。  
吾欲從之遊，無翼可奮飛。

其二

我本農家子，生長事躬耕。一朝改舊業，追師學聖經。  
聖經豈易學，矯躬苦脩程。中間罹疾病，形迹乖素誠。  
青年如流水，蹉跎何所成。隴畝漸就荒，詩書未能明。  
思之心自愧，輾轉徹雞鳴。洲上杜蘅草，隔岸揚芳馨。  
欲採臨渡口，秋水森盈盈。

閔谷

頓挫有  
力

連岡對森立，一路曲如弓。幽澗流其傍，紫迂翠積中。  
行々數回轉，蠻宇忽穹崇。不圖嵩林窟，有此絃誦藪。  
村民皆朴直，猶見舊流風。草昧戰爭時，割據幾姦雄。  
一變尚儒雅，實始自烈公文。治想當時巍，然兩學宮。  
隄防壑闢，役遺構壯。四封我曾觀，泮林今又此來登。  
都籠屋樹何廣大，瓦甍何玲瓏。垣牆諸房舍，幾年乃竣功。  
切顧思及公身，財用備且豐。不然大役餘，比閭能不窮。  
方今稱時雍，郡國少荒凶。如何民逾窶，府庫動輒空。  
節用與聚財，其法或未工。生財有大道，萬世行斯通。  
宇宙軌非異，君民體固同。誰能反其本，推恩蘇



三農踟躕悲往昔書聲靜雲松

雜詩

晚散水樓飲又赴崖寺招所薦之英俊而非勢利交  
清風吹衣袂郊垌夜寂寥農談行且熟繁迴路幾坳  
老僧遠來迂相引渡澗橋前峯將月出微白在塙梢  
有鳥三首有感而作

有鳥丹穴來將雛息城門音聲令人悅毛彩使人眩  
胡涓切自稱鳳凰使頗能張威權獲身味鷺輩刷毛狎  
鷓班雜禽接武至嬌媚各爭先爪牙與羽翼儔侶日  
滋繁且謂失此時何日飽美鮮群噪逞所欲四境自

多粘皮

騷然此鳥本微賤貪狡比鳥鳶既許巢厨廩誰禁恣  
噬吞既許居樞要誰禁播兇殘君自百禽長勿惑姦  
鳥言

其二

朝翔鷺社側夕止鷄架邊竦翮且張背瞿瞿微舉端  
本欲肥其軀非為酬君恩本欲美其室非為救下民  
弱羽亦何罪曉曉心膽寒吐己口中食供渠盤上餐  
不然觸其怒覆巢難再全各自謀免禍喙息誰得安  
君拙碧梧枝寧知巧智根計成一飽颺羅捕竟應難  
願借鸚鵡舌一言發其姦願借鷓鷯爪一擊肉其肝

君思下民恐不于鳥

信卿曰君思出崔顯孟門行下民出惡



其三

姦鳥多種類相呼互攀援惡水溢其傍腐鼠滿其前  
烏鳶方得意嗷喋日驚喧鬼雀謂仙鶴何獨甘辛酸  
羣情異所趨念慮在顯尊淒淒守賤辱何須才與昏  
百物殊所營憂虞在饑寒昂昂背流俗無迺愚且頑  
不如降其志從我且翩翩小以飽芳餌大以乘華軒  
仙鶴不能奮垂翅再三嘆誰識凌霄姿元自厭腥膻

平武州知章墓

九郎緣崖西師岷貂蟬詎得當兜鍪風鶴皆敵將安  
避上軍下軍亂爭舟中有十將能致命慷慨最推平

風雀以  
下鋪叙  
不腐語  
氣通平  
稱其人

武州搏戰遮敵代父死生氣凜凜六  
百秋忠孝兩全古所難況在綺繡  
乳臭儔賴賢忠勇類乃主亦冒亂  
又復主讎四尺雙墳官道側想見  
英姿悵遲留野史詳略竟何意誇  
揚平氏只風流忠度櫻花敦盛笛  
至今猶入市童謳

今井子原宅集同葛子琴筱安道賴  
千秋小西伯熙及桑田子重藤枝  
得中萱野雄飛賦分得韻寒

風雨蕭蕭大江干復將尊酒過蘇  
端佳會不辭衝泥路醉語相看笑  
喧喧吾本性癖懷微志負笈六度  
到



金石錄

平安千場結客交頗汎朝市盟好猶未寒豈無哀絲  
豪竹與幾人論心暴脾肝豈無縞帶青裘贈幾人賦  
別列琅玕山河長隔蘭臭好離情無盡水淼淼水淼  
森兮山蒼蒼後期幾時對吟觴明日片帆乘新霽滄  
波孤月十八洋

御領山大石歌

御領山頭大石多或羣或疊闕嗟我大者如山小屋  
宇迥如萬牛牧平坡吾嫌世情上多猜忌樂子無知屢  
來過此日一杯發幽興吾且放歌子妄聽如今朝野  
尚因循苟有所為觸渠嗔憐子剛腸誰米錄不如聾

此句一  
意

魯坐曰  
結末數  
句可誠  
疑永焦  
火之人

默全其身石兮石兮林栖野處得其所韜晦慎勿近  
驚塵逢仙化羊已多事參僧聽經非子真况作建平  
爭界吏况為下邳授書人

歲杪放歌

三十二年胡怱怱單身千里六向東滿腔慷慨成底  
事負郭田園半為空唯有風月供多病今年又盡伏  
枕中屠龍無用已知之一寒如此於我宜堪喜阿連  
麤識字尊前唱和餞歲詩

鎮青亭分有字威如終吉為韻得有字

昨人鬪酒筵已授夏侯首今臨棋敵場方用墨翟守

亦滿酒  
可喜

魯坐曰  
感慨可  
憤



惟恐无  
何有鄉  
俗不尚  
酒矣

目前語  
人未言

表  
意  
華

伊誰賞此蓋世功封我假王無何有

木村氏迎翠樓同伯協賦

迎翠高樓即鄜居滿肆雜貨滿棚書主人雅興耽咏  
歌倚欄時望碧嵯峨或謂俗事日紛紜溪聲樵響未  
暇聞又謂俗客日團欒朝嵐夕暉未暇看偶鵲肅侶  
試登臨茶籃酒榼對披襟孤嶽向人如有意片雲出  
岫竟無心君不見心不用機關外物自然閑惡知市  
井喧囂裏非是烟霞縹緲間

姬井仲明得一拳石於中原洲以為盆山峯勢  
峻立半腹有洞迂曲幽深蓋尤物也且以洲即

烈公遊憇之所也珍襲特至命予詩之

峯不必高洞不必深高下將淺深要在觀者心召伯  
所茨在河滌有物塊然光射入華山之孫醜而文崖  
留冰雪岫噴雲仲明石癖在膏盲暴得至寶喜欲狂  
乃載與歸芥宮內時輟吾伊笑且拜欽慕其人施及  
之此是米顛所未知磊塊滿胸聊有寄斯中無限真  
樂意于嗟仲明夙志不撓業有成寸洞尺峰將有朱  
明碧落失其竊真岱宗少室失其崢嶸不然珍玩徒  
喪志無與時人嗜石異仲明果無異時人直饒茲石  
有完貯九十九飛泉有形具三十六名山拳大頑物



何足解志士顏

送家弟信卿從西山先生讀書

師道尊嚴視君父此風輒近漸莽鹵當時老宿尤伊  
 川何論諸生笑韓愈今人習俗益披猖朝來暮叛窮  
 慢侮教孝誨忠知是誰益敬其本培其土吾弟成童  
 始遊方輕裝唯挾書幾部擇師喜得就端人恐汝陪  
 奉愆儀矩贈言不用攜春華拙詞漫配表微譜義重  
 在三勿背違才無知十但勤苦稱閱弊風非一朝立  
 雪美談自千古行矣觀汝事乃師他年成業粗可觀  
 霖後

何足解

子成曰  
高澹罕  
此周公  
何足解

新晴三四日古渡一孤筇清泚盤鳶影微風遠寺鐘  
 青天初暑氣綠樹尚春容數處殘雲在飄飄欲起峰

宿山寺限韻

夜靜上方寒且環爐火卧虛堂燭影深遠谷泉聲大  
 窓暗覺雲來廊鳴聽鬼過傍人忽有詩起喚眠曾和

記夢

溪流盤復直循去斷崖根舟走山逾走人言石亦言  
 須臾將百里昏黑得孤村舊境難相遺時來入夢魂  
 三郎路上  
 略約紅楓曲荒蹊碧澗濱有家多晒埽無馬不欺新



以下  
天音  
係

田沃租猶薄城遙俗自淳誰携漁釣侶曾此避狂秦  
近村有觀音鈞石者或云隱者故居觀音其名訛傳

送別

携手行相語斜陽滿古城青燈他日淚白髮此時情  
曠野人烟斷層巒客路橫世途隨處險不必問前程

梅雨忽霽與兒曹山行

遙聞清澗激取路辨松林午寺梵聲近晴潭山影深  
指村謀野酌登石豁塵襟寄語朱門客誰知綺里心  
上寒水寺路上

寺指見飛禽外泉鳴雜樹中狂痴從世棄尊酒有人同

尋徑看牛跡班荆待倚午風雲松隨處在吾道幾時窮未憂

竹外

竹外長堤直橋邊獨樹團露華知節換星象見更闌  
村遠驅蝗火人喧乞雨壇行歌逐涼去原隰夜湯湯

松間

松間值樵父閑話坐班荆縹緲中條色蒼茫太古情  
午鐘知遠寺齊樹辨遙城愧昔為亭吏三年困世營

一路

一路窮幽邃單衣入薜蘿松間栖鳥穩石上落花多  
濟勝雖云得離羣獨奈何出山天未黑坐聽采樵歌



南浦

南浦十年別西山兩地期看花傷往事把酒和前詩  
萍水竟難合蘭金空自知愁心何處寄香漱暮天涯

秋半六首

秋半還徭役清閑付病身汗邪未收獲流峙自精神  
尋藥雲生屐看碑雨墊巾笑他憂國意却在釣漁人

二

題詩坐深夜心意轉幽閑犬吠疎簾外風生雜樹間  
孤燈明古壁墜葉響空山渡口喧人語前村輸稅還

三

後聯晚唐

憑欄閑閱史陽虎正專權孤悶向誰告壯心空自憐  
浮雲生大野平楚接長天閱子何為者將歸汶上田

匹

勵志常多病傷時且放遊新愁疎雨至往事亂潮流  
落葉空城曲西風古渡頭前途何可畏天地有漁舟

五

白髮誰家叟欵談坐樹根疆場非有事政令自多門  
返照浮殘壘歸牛入遠村起看山色好汝輩亦何言

六

甘菊殘中圃微霜近小春浮名身已隱疎懶病逾真



樂社從時棄，瓢尊伴我貧。原無安國術，青桂自留人。

耕牛

一從刀劍換耕牛，四國謳歌二百秋。魯衛染盛依賈，  
豎金張儀貌學伶優。青山有地人爭墾，碧海無邊水  
自流。自古清時總如此，迂儒何問杞人憂。

龍盤

龍盤虎踞帝王都，誰見當時職貢圖。祭祀千年周雅  
樂，朝廷一半漢名儒。世情頻逐浮雲變，吾道長懸片  
月孤。懷古終宵愁不寐，城鐘數杵起栖烏。

孤尊

首少  
人知深  
哀

孤尊尋石青，蒹杖短艇隨。波白鷺巾濟，勝吟哦聊自  
適。論交肝膽與誰親，枯魚濁酒人三處。碧海青天月  
一輪，願遂他年廬里約，相携賞徧洛陽春。

春郊

春郊絲管日喧喧，亦喜吾徒坐事繁。問字頻過揚子  
宅，袖茶時叩玉川門。樓臺四百八十寺，花竹東西南  
北村。千里遊蹤一肱夢，病懷徒倚向誰論。

山居

聖朝恩澤及山居，垂釣溪流食有魚。白眼誰憐狂阮  
籍，清貧依舊病相如。林風颯颯年華老，世事營營我



結末頗  
顯筋骨

願疎猶見兩都諸學士偏將佔俾養名譽

狂痴

工穩

狂痴背世少文遊心跡伶俜十五秋坐上乘龜曾屢  
驗夢中焦鹿欲何求空林月黑鴟鴞嘯古戍烟荒枳  
棘稠推枕殘更温濁酒沈燈一穗照人愁

孤雁

咏物不  
失風趣  
難多得

一駭弦聲失舊行連宵抱影傍寒塘哀鳴但欲尋兄  
孑孤宿何謀飽稻梁南畝西灣空片月荻花楓葉有  
微霜枕衾秋冷江亭曉我亦單身久異鄉

吉備公廟 廟在播州

短章能  
盡終始  
政事文  
字具于  
六句中  
指辭亦  
雄勁未  
路寓感  
亦不可  
無之

公會懷壁泣京師主聖連城早見知北學親傳周禮  
樂東歸更製漢朝儀為能血食經千歲轉信和羹美  
一時近日書生委擗散薦將蘋藻淚先垂

時情

時情終與此心違嗟爾緇塵浣素衣六世三公君莫  
羨一生幾履我將歸威權百歲猶軍府川岳千重自  
帝畿獨坐孤亭聽夜雨春風應長故山薇

江州

楊柳風輕旅客衣江州二月澹晴暉東西邑里分侯  
服表裡河山護帝畿水驛烟消舟正聚渚田春暖雁



將歸欲求佳伴同吟賞冢傍要離人已非

又

烟水蒼茫煖意融晴波閃爍釣絲風五湖遺逸家何在  
在六代高僧窟亦空岳寺雲歸春樹外沙汀鴨睡夕  
陽中濟川誰抱平生志時見孤舟篔簹翁

留別子幹

十載清歡綠鴨涯鷗盟重問舊襟期月明回深夜還行  
樂客散殘尊始舉眉身世原供天下笑狂愚幸遇一  
人知青山白水隨藜杖此去酣歌好共誰

浪華五日泛舟木津港示子琴

點留別  
意未句  
無限感

子成曰  
樂事孤  
尊句可  
笑可深  
從周公  
改乃同  
將蠟

三春書劍滯都門誰把交情仔細論江上歸期逢五  
日客中天涯樂事對孤尊忻因下榻延徐孺便得方舟吊  
屈原不用片言留贈別滿汀蘭若綠偏繁

次韻子琴見寄壬寅上巳

何處浮盃以長隨珠璣收得幾篇詩可堪抱影過三  
已聊且開樽吟四雖淮桂叢邊尋我日海棠花下值  
君時曾遊既覺一肱夢近况徒懸千里思

又

兩地風煙戀友詞三春淨淚悼亡詩予心欲亂空書  
咄君句何奇韻押雖遙想豪遊酬勝日轉嗟愁坐負



芳時久無野酌排孤悶賴有江雲入妙思

遊松本達夫別業

披圖十歲認幽居喜值新知命葉如孝感相傳曾炙

雀松本氏祖重政以孝義稱藝侯賜賀島旌之豫遊本不為觀魚執侯嘗再遊焉

雲開島嶼峰爭出鳥轉松杉谷自虛共讀碑文欽遺

懿碑重政所撰清音亭畔午風疎清音亭名

二

亭臺倒浸亂潮流碧嶂丹崖小十洲榮侍絳紗南郡

帳重政曾師事仁齋先生勝停青翰鄂君舟長州侯遊賞田園補入

新圖籍賀島本元山斥地今有土田民戶重政所開墾文史相承幾葛裘松本

使事  
穩稱

氏世好學况有醉鄉佳第姪此遊使勝島敬仲為林花院導敬仲達夫姪

病中旦秋

層巒疊巘勢朝東茅屋人依桂樹叢祗欲賣文供菽

水猶堪奠枕傲王公山城雨過飛禽外海國秋生卧

病中閑使兒曹誦陶集簾帷綵繚暮林風

偶作

蒿萊養病十餘年藤竹看荒二頃田楚國猶知周有

鼎魯人偏說晉多賢乾坤納納雲容開川岳蒼蒼世

事遷獨坐中宵閱興廢一燈寒影落陳編

子成曰  
前聯似  
元後聯  
似明



閑谷

遺澤今幾世夏楚尚嚴莊時聞搗夫語亦及文宣王  
淀水舟中

一舸又一舸挽上柳烟間蓬窗生微白依約丈夫山  
大梵祠同內田叔明海道士題

蘭

獨抱幽人操閑依衆草叢誰憐芳自異伍非類一樣偃秋風  
所見

野水環墟落柴門帶釣磯垂髻誰氏子揚柳貫魚歸

尖巧

上成川上即事二首

鳥嶼不知名點點迷遠近欲問呼傍人已被歸雲隱  
傍人知我意指點白雲間夕陽開半髻可是讚州山

偶作二首

亦太露

季秋龍未見郊野正西成魯國爲長府徭夫犯曉行  
新政何多事中宵始放衙干旄城外至不識自誰家  
次惠秀上人韻

落日在山頭驟雪暗山下平川十里堤衝風欲倒馬  
空上人見訪

惠休才思人誦支遁山心自知流水孤雲觀世鳥言



蘇詩卷一  
樵語參詩

竹林深處逃俗桂樹叢邊卜居已自裁招隱賦不須  
著絕交書

洛東僑居夜讀似子幹

燈花幾度拂別還生窓下平分與書窗一穗明他日山中閑散  
帙孤懸寒月兩邊情

梅花七首

見說龍泉寺畔梅今朝始覩一枝開屐痕斜印幽蹊  
雪知有吟朋先我來  
隣翁知我愛梅心携贈温香一朵深人報今朝風雪

錦繡虫  
中語

裡見君歌笠走南林  
何處狂香撲鼻來春風一縷澗橋隈行人指點叢松  
樹中有孤村半種梅

自愛孤根抱暗香寧隨百卉競時粧多年惡雨狂風  
裏獨立寒雲冷石傍

人道山村梅已飄直衝泥路不辭遙奈何昨夜三更  
雨漂去前溪獨木橋

昨夜高樓一笛風梅花零落水西東敲推未定詩家  
恨九十春光半已空

玉笛空吹塞上悲音書漫寄隴頭思幸吾歲歲在鄉



國賞遍開時將落時

十四日與嶺松師赴蕪浦途中口占

牛渚清遊久有期忽乘新霽試筇杖喜看遠嶺生霞  
彩明夜陰晴已可知

長至夜示充國

風塵到處逐人忙客子光陰又一陽歎話未酣鷄已  
唱誰言今夜夜偏長

先陣庵

庵在藤戶渡

六百年前舊戰營先登猶認艸菴名春潮一派通田  
洫野菜花中海舶行

從樂  
天來

奇景

題畫

江天幾日占春晴雪水湯湯拍岸生昨夜隣翁來報  
道市中魚價欲連城

阪本千治墓

千治拙翁經

韓公好客客成羣阿買當年寫八分坐上依然文字  
飲可憐宿草滿孤墳

張睢陽

食盡沉城屠妾時寧期他日至尊知猶憐南內淋鈴  
夜不問睢陽橫笛詩

鷓鴣川和歌題

尊前必  
薛秀才  
讀意

鷓鴣



潮生織月落林端竹露蘋風夏也寒可是漁人使鳥  
鬼一船松火上前灘

三郎路上二首

探討逾深賞轉新丹崖碧嶂競迎人松梢一巘最奇  
絕恨被浮雲藏半身

旭發仙村逐齊還路盤紅樹翠松間却憐雲霧無常  
態時見來時未見山

歲杪寄中山子幹

病居蕭索感離居夙志蹉跎復歲除月在梅梢雲四  
散故人今夜讀何書

偶成

偶訪前村賣酒壚黃昏歸去古城隅野雲釀雪天如  
墨十里寒波一鴈呼

上巳

今年上巳尚餘寒未見嬌鶯兼戲蝶余更微病不可  
風掩門閑看蘭亭帖

五日懷子幹

萱草榴花犯雨開山堂無客對街盃北湖湖上尋詩  
舫安有長絲挽得來

蛇峰



子成曰  
取空今

白蛇峯色碧嶙峋三國風烟二月春今日登臨堪小  
魯備公一去更何人

別楠之

西堂幾夜夢中求此日相逢且解愁無那池塘春艸  
色萋萋更促王孫遊

發河邊驛

齊婉似  
支衡山

沙嘴寒輕近午風招招舟子柳烟中一篙新水春猶  
淺知是松山雪未融松山在  
上流

子幹聖讓院僑居桃花

桃花花下故人觴自負斯歡已十霜一醉相看獨惆

悵玄都觀裏舊劉郎

飛雲閣

閣舊在豐臣氏  
聚樂園

偏師當日擄韓王猶恨支那限大洋滿院姬姜何處  
在空將聚樂附僧房洞房作野

子成曰  
雅黃傷

赴大津路上

路入青山近大湖蹄輪絡繹翠模糊黃裘緇撮都人  
士中有烟波舊釣徒

上三井寺

連山凝翠水如油萬頃春波澹不流憶得去秋三五  
夕同登吾國對潮樓



下加茂祠

祭儀肅穆豆蓬清千歲年存文物明樂闋餘音無覓  
處一林間月水錚錚

舟中寄子琴

連山擁海翠嵐分中有金剛獨出羣憶昨麥婆亭上  
宴故人遙指半峰雲

松氏賢六十初度屋子禮价岡元齡索余詩走  
筆賦此

松家家樹翠森森根托仙鄉日月深我亦山中劬苓  
者題詩遙寄歲寒心

三郎途上

路繞雲岫送水喧蛟宮熊館傍田園風光憶得曾遊  
地鞍馬峯前一賴村

歲杪寄大空師

荒歲村居事亦紛隣閭警盜諫宵分遙知姑射峰頭  
月寺寺經聲咽白雲

寄賴千秋

潔身何必在邱樊趨舍隨時樂事存休為微嫌徒躑  
躅十年短檠也君恩

雨夜自福山還途中三首

子成曰  
先生幸  
不作移  
文家公  
半生事  
業盡并  
八字之  
賜也



山氣陰森夜欲分  
笠檐彈雨屐生雲  
單行衝暗吾何畏  
世路常穿虎豹羣  
峰跨層雲勢欲奔  
樹皆龍屈石熊蹲  
誰能力負此山去  
蹙置吾家高麗盆  
途泥滑滑雨冥冥  
澗霧山氛拂面腥  
忽覺今宵已過午  
屍陀林裡鬼磷青

相見歡

偶作

以下新樂府

村南雨歇風輕好  
閑行啼鳥飛花春  
老意多驚  
來數盞芳酒與誰傾  
屈指十年前事夕陽生

一剪梅

寄佐長史茂伯

亦不知詞  
曲故不敢  
評

子成曰  
將軍歌大  
江東去古

入猶不免  
此謂數詞  
系調海稱  
其律

淡霧濃烟滿面浮  
風冷於秋雨冷於秋  
懷人獨立小樓頭  
不奈何愁爭奈何愁  
纔說曾遊淚已流  
怕說曾遊莫說曾遊  
夢魂連夜到皇州  
山路悠悠水路悠悠

錦堂春

懷西山子綱

楚水吳山客久孤  
鴻雙鯉書遙于今萍迹  
知何處雲海渺寒潮  
杯酒春風我侑燈檠  
夜雨君挑追思于  
五年前事夢遶洛陽橋

虞美人

宜山亭白牡丹

牡丹開拆蓮花社  
風日偏清洒  
千年姚魏傲仙粧  
不



及君家別放白毫光  
地幽花亦多姿態  
何用施紅黛  
晴軒把茗話  
懷襟堪見高僧不染不妖心

河滿子

寄題三原妙正寺

粉堞都城百雉青  
旗臺榭千家海色晴  
開瀛丈路攔頭  
島嶼橫斜誰識短燈檠  
底按圖遙領幽遐  
長者新營法界  
騷人幾闕詞華  
無奈病中光景疾  
勝緣容易相差空認十年遊跡  
西郊數里梅花

望江南暮春書感

春漸去奈此別情何  
聽鳥莫聽無侶鳥  
看花休看少枝花  
更自惱人多  
春漸盡午夜雨聲中  
帷帳風生

燈影閃卧知花落  
滿庭紅單枕冷於冬

賣花聲

同前

把酒坐空房  
強累三觴  
笑時常短  
泪時長  
人事本來無定算  
君無思量  
雨暗杏花  
莊任打殘妝  
奈何鸞鏡失精光  
新水流春  
春不返  
山驛江鄉

黃葉夕陽村舍詩卷之一

黃葉詩卷一

三



黃葉夕陽村舍詩卷之二

備後 管晉帥禮卿

推子重空公見訪分得韻寒 癸卯

雨後西疇泥未乾好將農隙逐清歡  
鳥語爐鳴呼睡醒孤雲流水與心寬  
留客山堂憐晝永惜梅村酒賀春寒  
此中自有真遊在不羨吹笙駕彩鸞

山行

絕嶺分疆場羣嶂限東南細路蟠修蟒  
亂石簇驚驂雲霞迎還送岡巘吐五  
含熊館昏白日鹿柴罩翠嵐村落多  
枹栗崖崕聳松栴民風思羲軒地形想  
魚鼈

有景有  
情句  
奇麗  
力縱橫  
不覺韻



前首整  
練此篇  
軼宕不  
守一律

幽境常自慕遐覽副所耽乃著謝公屐而却陶令籃  
曆目過百五風景餘重三仙桃紅的的藥草綠參參  
春禽響虛谷晴照澹澄潭迷岐問餉婦植杖避樵擔  
世態悲艱險勝事喜縱探益知巢由輩絕無簪纓貧  
榮麗人相逐菽水我能甘顯要即可求跼蹐竟不堪  
發興忽絕叫此意共誰談願言招蘭友長此結茅菴  
澗流為茶井岩洞作書龕喧吹長薇蕨何必石與麕  
二  
米老耽盆玩塗石輒顛狂張敞愛其妻為畫雙蛾長  
我好真山時裏三日糧未逐禽尚願聊以洗塵腸

以下語  
語皆妙  
退之南  
山

此行非遠涉所經皆澗岡故取生疎路蒨境疲飢忘  
燧嶺西北地山容盡崩藏肅者如温庾端委立廟堂  
怒者如褒鄂買勇赴敵場怪者現鬼厲冶者列姬姜  
獐者外蛇鬪逸者義鵬颺或驚以鹿挺或隨而鴈行  
或後追將及或進躡欲僵癯者多膚者向背互頡頏  
童者多樹者青紅爛生光人事貴適意得喪誰預量  
苟能投嗜欲醜石勝施墻况此千百態一一逞仙粧  
應接唯恐失留連豈為荒却恨奇絕景多在鄙僻鄉  
不遭佳士賞徒使尤物藏吟詩呼木客暮聽颯杉篁  
三

以上真山  
結束老  
盆山  
四句結收  
要亦水画  
眉烟顧放  
收皆法  
新諸記



獨考之  
餘承以  
纖麗即  
不令人  
厭讀

忽然入  
往事無  
限風味

子成曰  
長慶

白雲生巾角，裊裊橫高原。數峯立其上，彩翠媚朝暎。  
清溪自西來，悍流齧崖根。巨石布其中，相觸百雷奔。  
櫻花雜衆芳，處處香雪翻。幽禽羣其間，喚侶聲喧喧。  
春天經甘憐，風氣正晴暄。孤筇首歸途，十里仍山村。  
清境何所似，觸端感自繁。憶昨攜洛社，北山問真源。  
團欒踞冷石，歌呼倒芳樽。

月夜看花

山花開落舊時枝，江月陰晴此夜悲。二十年来詩酒  
社，半歸泉下半天涯。

前峰

前峯日出淡烟空，鵲語呼晴竹塢中。小驛斷橋林影  
近，短籬回徑水聲通。不求上策隨朝彥，聊且巾車到  
壑翁。春至窮鄉多勝事，柳陰梅畔雪初融。

姜公

姜公罷釣伯成耕，趨舍雖殊谷適情。我已業農多佚  
樂，君能飲酒是豪英。攜樽時逐羣童去，荷簣晴隨孤  
犢行。村市放鷺風裊裊，陂塘浸種水盈盈。

麗譙

麗譙遙對綠簑洲，兩泐清川抱郭流。芳草柳陰群牧  
馬，夕陽花外杙漁舟。粗通鵬鷁逍遙理，未遂江湖汗

是古詩  
而協聲  
存者亦  
氣象俊  
邁可誦



漫遊蘋雨魚風春又晚青尊誰共寫閑愁

幽討

幽討忘歸且嘯吟山邨夜色靄沈沈流螢數點溪聲  
小細路三叉松影深斷續人家隨曲岸伊鴉籃篋出  
疎林無端引起江湖興片月孤雲萬里心

赤阪

赤阪村邊片雨晴白蛇峰畔斷霓明樹間人語田秧  
稻鴉背帆檣水繞城草木自知興廢恨風雲長載古  
今情阿房銅雀皆塵土倚杖青山一笑橫

璇璣

子成曰  
杜詩炎  
風朔雪  
之意

璇璣萬古舊春冬復值邊疆息警烽荒服全為周故  
地島夷半入楚新封貢通閩海三千里險域函關百  
二重誰道霸功多詭譎當時將帥事安農

村亭

子成曰  
仁義之  
人其言  
謂如也

村亭呼酒取微醺竹塢松塢日未曛漁具參差臨岸  
曝紡車嘔軋出林聞廟堂自有夔龍會烟水長隨鷗  
鷺羣預賀殘齡供擊壤大家十載已能文

七月十六日同道光上人登遍照寺途中

黃昏尋寺入松栢雲濕衣衫水鳴屐不有月光能引  
人何知卧虎是奇石



子成曰  
高野山

子成曰  
是詩  
乃先生  
正法眼  
識

送大空上人之高野山

舊房何處鼎臺陰路入層雲獨自尋  
魍魅語聞杉影暗麝麝跡在石根深  
齋過衆寺籠山靄講罷群僧散  
磬音方外原來無物累也知幽境配禪心

夜坐似海道士

一燈寒影照幽閒時有風聲到樹間  
偶坐無言夜將半誰知樂意自相關

呈大肇上人兼寄林元隆

詩社凋零六七年逢君話舊一悽然  
歸來為問林希逸注到南華第幾篇

王然豈  
王然乎

贈熊野祠官小中李範

徐福祠前幾世居墳笮相輔事三餘  
怪君文字多奇古家有秦時未火書

寄懷賴千秋四首

江心明月照清漪彼笑遙遙天一涯  
日夕秋風人萬里長空何處寄相思

君居東武紫霞關我住西薇黃葉山  
驛馬門前日來去幾時能載故人還

東都華麗勝西都將第侯家幾百區  
楚國為誰能設醴齊王舊自好吹竽



愚告交  
竊乃承

才美世機皆具錦心平官路豈羊腸不須拔免為三窟且學靈龜解六藏

賴千秋寄怪石二枚

一得諸甲州路上

菊花一

枝枯根原賦此為謝

菊見君心苦石知君操剛願言磨不磷晚節益芬芳

農功

農功五月急如弦年麥纔收已插田一夜園林濯枝雨猫兒山下水涵天

還自笠岡

冰下泉聲咽復通霜林赤立夕陽中山村風景依然

平糲而

好不及來時與客同

西山先生寄梅花一朵賦此為謝

臘月寒鄉未見梅喜君遙送一枝來膽并插向硯池隈笑靨偏迎書帙開仍舊風標絕點埃轉知清潔避群才林間高卧許誰陪閨裡孤芳肯自媒流水斷橋依草菜狂飈惡雨任催頽獨看幽影撥吟灰幾陣生香侑酒杯感物中宵情自哀懷人百里首重回預期結伴載春醅探遍近垆千雪堆

元日甲辰

屠蘇香動五更風環坐尊前樂意融年盡燈光茶竈

子成曰  
寄感賦  
於賦詠  
藏流動  
于聯歷  
亦巨多  
得



外春生人語析聲中已知物事不如願何用舟車煩  
送窮小第詩成先弄筆為刪數字獻家翁

題鍾馗圖

皂帽藍衫形相異捕鬼如鼠何快意我恨汝不出高  
宗中宗朝滅彼長髮還俗鬼婆妖又恨汝不現大曆  
建中間肉彼藍面鬼貌佞臣肝最恨當時不能屠戮  
林甫與大真徒驅微疾三郎身規小捨大人所嗤鬼  
神聰明固知之如使大寶能不耗香囊玉笛任渠盜  
漁陽鞞鼓動地來六龍西幸彼崔嵬方是之時天瘡  
地痛九廟萬姓皆虺隤吁汝安在哉君不見城隍里

文士筆  
鍾馗

子成曰  
可當一  
部唐書

真中保  
唐人成  
句者抹  
句傍

社飽酒肉湯向女兒弄威福

題李白真

沈香亭北百花明一枝濃艷傾人城誰知花間笑語  
響中含漁陽鞞鼓聲鳳鳥欲集無珍木蝦蟆嘲龍鷄  
聚族力士祗知脫鞵耻大家寧慮蒙塵辱廬岳雲松  
鎮長春曲江蒲柳為誰綠人世幾回悲滄桑空憑繪  
事想清狂休道詩人無所用醉眸看破郭汾陽

雪日還自中條

春雪如篩野無風飛絮舞入輿簾中同雲模糊去鳥  
沒近山隱見遠山空僕夫忍凍數顰眉余亦擁褐縮

石回

石回



頭龜苦境由來人爭避誰知此中樂自隨將策試深  
欲盈尺乾坤俄為無瑕璧吉凶糾繩歲流波營謀何  
如時賞適歸來温酒看瓶梅與中苦樂兩陳迹

雜詩三首

溪叟携具至醉談夜未央客冬頻大雪祁寒亦非常  
祁寒養麥根大雪麩遺蝗斗酒聊相賀今年定豐穰  
比歲值水滂公私多就荒黃薇稱沃壤菜色滿四疆  
倘更困調飢郡國豈能康寢思溪叟言自覺睡味長  
吾家世業農樸素守祖風隣並皆親戚有無互相通  
衣食雖不足所安存其中時得茅索暇詩書授兒童

子成曰  
古之人  
古之詩

田家  
事人  
意銷

仁人憂  
世語

嗟余鹵莽資肯望琢磨功茅堂春睡足朝嗽上竹叢  
吾伊時斷續嬉戲喧簾櫳負暄手煎茗樂意自融融  
隣家送痘神膳我酒與灸痘神如何意此行特惡劇  
山陽戶傳染札瘡幾千百幸我鄉里間無兒就窀穸  
父老欣相慶幾忘蝗飢阨去年七月七怪事傳藉藉  
信州山破裂噴火飛沙石隣境數百里死傷填巷陌  
書籍所罕見聞者寒心魄頻歲陰氣王夏衣不用綌  
年凶與地妖固由氣候逆誰能務變理穀足無天疫  
所見

橋上昏烟合橋下水虛明橋上人不見人在水中行



言色奪  
然深沈  
有味

行路難三首為某生作

衣裳一綻裂即能彌縫難再全與君相知三十歲君  
心自能辨媿妍口角風波君莫信能覆君家萬斛船  
北園海棠看漸衰南軒梨花已滿枝重新忘故妾何  
怪且思海棠未開時

江漢之水猶可泳世上波濤不可航日月之食猶可  
推君心陰晴不可量古井百年誓不瀾荆棘塞路無  
人看誰把秦時照臍鏡照見妾心方寸丹

神能變化躍在淵飛在天欲知君心所在處仰天  
俯地兩無緣我絕玄海踰蘇山輪摧柁折猶生還坐

子成曰  
三首並  
屬古樂  
府享保  
諸家嘖  
心刻骨

所求今  
得諸君  
戲之餘

上褒斜何太險咫尺自能凋朱顏

賦得花契多春壽小寺奉祠令堂八十

北堂櫻樹幾回春上壽筵開屬艷辰不獨年年花相  
似花前無恙斷機人

途中

村路行欵白纒巾午陰漠漠四無人桃花未拆梅花  
盡唯有鳴鳩管領春

笠岡途中虎白歸京以  
是日開猫

晴港風暄楊柳春鷗波萬頃碧鱗鱗千帆相逐斜陽  
外借問何舟載故人

平常語  
亦好



龍泉寺櫻寺有七友  
蘭水墓

老樹移來幾百春  
年年麗艷占芳辰  
林東有墓生苔  
鮮曾是花前鬪酒人

笠岡途中

崑崎机捏竹輿跳路抱崖根  
一線遙水急漁村初發  
聞港喧賈舶方開  
猫鷗雜回渚懸晴照  
蕩子輕烟落  
午潮獨面東風思友社  
滄波應接玉江橋

幽齋

幽齋枯坐晝如年  
暗恨無端滅復然  
誰得人生齡滿  
百又聞斗米價過千  
午簾不動花香玉  
春暈徐消燕

新高  
經人言  
後聯亦  
佳

語圓欲振貧閭還自笑  
儂家本熟五窮緣

橫尾送道光上人

猫兒山畔鳥聲愁  
鶴子橋邊柳色稠  
送者不如橋下水  
隨君直到綠簑洲

聯句戲贈如實上人

上人好事為花顛  
唯愛名花不愛錢  
拙齋為是年年  
購奇種下山時  
乞衆生緣

詠史

無鬚類官者多鬚  
似渴胡奇禍應有  
自不關鬚有無

又

子成  
曰好  
竹枝

名



言終  
一若

湯勸降王走傳車當時獨笑讀何書炎精四百餘年  
業石上刀痕憤恨餘

王謝江南柱石臣勤勞功業略堪倫我憐携妓東山  
傳不見幽冥負故人

百升明月失輝光不奈盲公勢焰長終使宮嬪行賣  
燭無愁天子素昏狂

夏日田家同士信子發子晦賦

十里晴輝落碧溪家家曬麥圪橋西桑陰半轉蓄薇  
徑穉子朱朱喚母鷄

挿田功畢洗犢袂喜見隣閭來救忙環坐柳陰傳酒

餉南颺吹送笑聲香

福山途上

鷓鴣山霧破日色冷秋原蓼穗陂中徑槿花竹外村  
養病慵已甚出舍與還繁欲借生書去枯菘赴郭明

重陽北岡岷山寄書賴千秋附以菊花

偶逢驛使正重陽親搗籬花挿八行脩程到日應乾  
萎領取交情一種香

登高同空克二上人賦

大野秋容入酒觴登高莠容正斜陽賞心且作須臾  
樂世態難逃日夜忙遠水忽明疎雨外孤鷺迥出暫

叙却  
深情



雲傍人生幾得好重九紫菊丹萸依舊香

備中途上記路人話三首

為遲檢田吏孟冬未收穫汚邪幾千頃空自飽鳥雀  
沙川歲淤塞水行高於田郊村一簣雨積潦忽涵天  
閭巷人奔走言吏檢田未連日里正宅珍羞滿厨堆

寄予葛子琴

潔白原難與俗移生前懷抱幾人知自無聖主求遺  
札賴有親朋廩幼兒其友田子明篠安道撫養遺孤才藻長留  
丁卯集世榮終守甲辰雌子琴今春書言及甲辰雌事書達先計音纔一月因  
用其語沈痾不得行磨鏡高德誰能議建碑憶昨尋余

迷綺陌惜春同汝拗花枝子琴曾訪余于洛東聖護村遂同遊白河醉中折躑躅花蓋子與子琴如開日久而杯山河遙隔黃公舍

酒欺言則始於此實庚子之春

此日臨風醉一卮

夜坐示某生

風聲溝樹定燭影雨窻深把苦悶看劍依然舊壯心

偶成

匣裡芙蓉留客看病來斯志漸摧殘一時廣武英雄  
歎十歲高陽飲博歡人生須更有興廢海潮昏且自  
波瀾那知蹇劣非天幸占斷鶴枝栖息安

次韻子澹冬至



朝來雲物蕩晴空春意先回積雪中身已三十七冬  
至童心未改漸成翁

僻處

僻處無歡豫幽懷有嘯吟朋侶十年別乾坤孤往心  
寒山橫落日村樹待歸禽植杖瞻衡宇松筠夕靄深

幽討

幽討宜山路微醺不憚勞一鄉人共井並舍馬同槽  
鳥影寒塘淨蕪風暮嶺高世間無限事至味在村醪

所見

山間市散午蕭騷一路衝風竹木號賣炭老翁行且

子成曰往  
年見庵赤  
崎翁云宿  
其遊旅見  
此詩壁間  
因謂之稱  
奇

語隣村生縛綠林豪

元旦和藤二郎除夕作乙巳

高堂宴散午深天餘醉憑軒靜釀眠多病又驚添馬  
齒守愚何畏值蛇年馴階鳥雀春聲悅媚雨林坳暖  
意燃賀客窮間公例少閑吟杜位昨宵篇

雪日至自桃谷

初飄行袖拂偏輕稍集枯萸鋪未平植杖方知巾角  
重歸村已見竹身橫斜侵忽來梧上融成暈重壓漸積簷端崩  
有聲魯國例應煩史筆試深階砌尺將盈

元夜西福寺即事



子成曰  
胸藏經  
濟難處  
流離

佳辰寂莫古僧房，豆粥留人興也長。開歲忽經十五  
日，看棋聊盡兩三觴。子聲斷續春園靜，佛畫昏曖夜  
壁荒。歸路梅花枝上月，喜無燈市奪清光。

福盛寺

白蛇峰畔梵王城，音屈指曾遊。八歷春石丈金仙，皆  
識我二毛，非是舊時人。

柏谷途中

亂石崩沙路不分，松杉風外午雞聞。昇平四海無閑  
地，墜破窮山幾疊雲。

夜坐再示伯協

翻以  
下微意  
不可曉  
更足教  
語可

促膝書齋夕，梅氣入疎櫺。主客無多語，樂意自融融。  
伊余好交遊，金蘭滿簿中。麗澤年歲久，頗覺啓昏蒙。  
願比膠與漆，幽盟克有終。君乃齟年舊，嬉戲曾相同。  
况在瓜葛間，義當共窮通。翩翩雲際雁，孤宿葭葦叢。  
徹曉何所訴，嗷嗷叫江風。

楚臺

莫笑君臣說夢痴，真夢真覺有誰知。懷王不返疆日  
蹙，方城漢水亦何為。前夢纔覺後夢隨，晉楚交見彼  
一時。真夢豈獨巫山雨，興廢千年幾城池。

王右丞鼓琴圖



渴者易為  
飲經亂始  
知太平樂  
但未知為  
中允後猶  
能一到否  
柴門空開  
鐵松篔似  
記實

尋景快語  
方相頡頏

孤館爽籟和君琴深林明月照君心喜見百官再朝  
天西莊松筠了夙綠秋風野烟生萬戶誰憐一病緣  
明主曲終空山夜轉清忽憶凝碧池頭聲

河相君推宅即事分得雨字呈西山先生姬井  
仲明賴千祺

林亭三日東風怒后溜曉鳴澗橋雨轟雷一聲閃電  
光天宇如墨雲擁戶昨遊半月烟水鄉春服朝朝飽  
和煦晴川待渡楊柳汀夜銷看棋桃花塢何事氣象  
斗凄慘松檜掀舞山搖撼得非山靈有所索故作狡  
獪供遊覽三公椽筆一代宗好出奇語破鬼膽

同西山先生姬井仲明賴千祺近藤伯協遊父

石村

父石石為村石瀨鳴崖根雉雉春山午晴潭花影温  
水中皆怪石顆顆爛光澤沿流覓尤物逍遙不知夕  
樵響斷前巒清音轉杳然牧牛還昏谷倦翼沒紫烟  
春嬉已幾場此歡不可忘歸路踏明月金波濺衣裳  
三月晦日雨分得花字

暮風吹雨雨斜斜打盡林頭落後花意外數聲泥滑  
滑前村無路錢韶華

首夏



溫雅而勁

世間無計繫青春諱老青銅不武塵殺霜毛照鏡新榆莢雨收烟漠漠魚苗風動水粼粼晴沙槐影鳴爐靜午檻書聲乳燕馴閒檢奚囊舊詩句花時遊跡未全陳

晚行限韻二首

有待圓沙鷺立無心遠樾雲還舟橫獨樹回听牛下

斜陽斲山

驛路鈴聲不斷林塘鳥語知還幽人相見而笑木末

沈沈層層暮山

題壽星像

王莽如蚕死封爵相傳永終譽石崇能散財綠珠不

深適可憎道字者流真氣

碎且全軀悠悠之徒眼皆肉漫描黃髮小侏儒顏子陋巷一瓢酒中貯多少福祿壽借問遙禮南極星何如近學東魯叟

田家

葛覃藤蓂夏木暝牧犢隔林聲相應陂塘開開風始薰野川堰成路正濤楊柳貫魚三兩童累騎老牛入竹叢竹叢數里擁閭巷屋影參差嫩翠中僻鄉人樸牟爭小相通乞假親鄰保東家鑿井常共汲北舍生兒時更抱嗟我平生懷憂虞目耕何似躬耕好

題畫隼煖足

一幅田家樂圖今入世之情



能言

寒藪巧借握中春，餓吻不嘗盤上珍。隼也驚鳥也，知恩義重世間無限飽飛人。

題畫

茅堂容散寂寒林，松籟微微水韵深。莫何恨君身生後生叔世山中不斷護韶音。

途中口占

木兒洲畔白鷗飛，笠子岡邊紫蟹肥。水國女郎能盪槳，輕刀遙載束薪歸。

七月十五夜同友人賦得韻歌

營盆鄉俗鬧絃歌，如此滿溪明月何。塵世幸餘閑地

作家語

攝方里縣  
莫寒夜殊  
方古今高  
人之意如  
會符契

在良宵好與故人過，雨頻旱氣消。郊野露浥秋容動，艾荷一歷義公幽。賞後清輝偏傍我曹多。水戶義公嘗曰中秋之月諸域共賞九月之月我國特賞未聞有今夜之玩乃名賓僚及諸臣觴咏徹曉中元賞月蓋始於公云

十六夜似海道士

華燈齊月照秋城，曼衍魚龍幾隊行。半夜諸街嚴擊柝，絃歌散作海潮聲。

今夜誰邊興最饒，蘇公赤壁歲年遙。木綿橋畔三更月，街上聞君吹洞簫。

畫猿人



木末岩根是仙厨，喬林絕壁是坦途。一為朝三暮四，  
羈竹鞭數尺，幾危機。君不見我亦方寸有狂猿，湯向  
芳餌流饒涎。

題雜畫三首

秋林天欲暮，倦鳥紛相逐。烟水淼茫間，漁人猶信宿。  
禽啼復花綻，春風隨處來。近無洛陽信，牡丹開未開。  
灘鳴層嶂裡，舟上積嵐中。依微城堞影，可是永安宮。

影戲行

紙障籠燭光，輝邃有物森。立含百媚鬼，邪人邪人莫。  
識疑看艷粧，疑珠翠誰家。妖童美風姿，定從烏衣巷。

以多材  
害趣請  
之損成

邊至雙去雙來，皆應節舞袖。翩躚輕蝶翅，漢帝招羗。  
恨無言，任即顧影如有意。妙技暗寫，世上情造物不。  
知指端，祕須臾弄罷。寂四筵，乾闥婆城更何地。觀者  
悵然情更闌，一笑製詩傳。相示君不見，漢事唐業無。  
蹤跡人間，今古幾影戲。

所見

登山待月，生夕陽紅未衰。所類切上上身漸高，月在歸  
禽背。

中秋飲河相君推宅

一輪晴照幾神州，匹馬孤闈終古愁。賴有雲林招小



隱聊將吟酌答中秋山空老木千章影天近明河萬里流偏喜朋交無變態年年今夕此同遊

赤坂途中

城堞懸晴色輿簾捲夕陽蘭田羣鷺白柵葉斷山黃驛路汙邪裡徒扛亂石傍孤征頻得句多緒未成章

分画題詩壽北湖老人七十余得子猷剡雪應

山子幹需子  
幹老人姪

神禹邈矣范蠡亡會稽風物久淒涼羣馬渡江天地變一時人文煥南方戴家瑤琴王家竹千巖萬壑再生光秬今披圖想靜境恍覺雪月吐寒芒佐度懸居

結尾  
題照

北溟北北山北湖委潛藏先生高尚今安道始爲湖山破天荒今年杖國猶苦學夜讀細書眼照林上國儒紳傳盛事瓊琚爭贈九如章余於賢姪辱同社知君慕君已十霜恨不身侍絳紗帳親見君舉氣霞觴秋空豁達孤鳥沒雲山萬里青茫茫一曲黑鷗無人聽彩嵐綠波護講堂誰能輕棹來清興直到君家北

湖莊北山北湖  
並在佐渡

郊行

散步頻迷路幽心只在山三周松寺外復到竹坪間日落川光麗林空塔影閒重銜鳴渡口獵騎擁盧



苦思可想

周子看蓮圖得林字  
對花枯坐碧溪邊誰測先生寓意深幾朵笑容迎喜  
色半汀清影映高襟騰知外直中通質自適光風霽  
月心靈種一移伊洛水流芳千載滿儒林

江夜二首

九言  
課題

無餘無欠  
無費工夫

推篷四顧蒼茫不見入終日孤舟獨與白鷗親月出  
雲消此夜真奇夜幾千萬頃金波絕點塵  
舟行無伴愁心獨自多如此長江千里月明何半夜  
孤依楓樹林頭泊蘋風細細吹過欵乃歌

十咏物并序

高論先  
得我心  
矣

近日里中學詩者頗事咏物入而眉毛爪甲  
之微物而蟻垤蜂房之細莫不入題目而字  
泥句拘格調踳穿有可誦要之其意在新  
奇驚俗巧黠釣譽是以意緒不續則附以諧  
諛詞氣已盡則間以褻慢宜矣遠於忠厚興  
象之域也余覽古人咏物大槩托物言志隨  
意成章而所謂言者無罪聞者足戒者自有  
其閒焉學射志毅夫人所知苟有所學豈容  
求諸曲徑邪路乎偶作十咏物迺托于眼前  
所見而發於口吻所排吁才分驚下敢效古



人之顯意嫌雷同聊異三子者之撰不知無  
有效尤之韻

平生向禽願且對石孱顏世路幾衰斜行者徒自艱  
利孔多屈曲豈容我儕頑名崖人奔忙豈著我儕閒  
早晚了婚嫁晦跡崑洞閒相看寓幽意益山亦真山

右益山

燈火落復綴喜事知屢誰羣情逐阿堵至死競狂馳  
慾火滿胸臆寤寐無熄時相煎真冥中膏盡心亦隨  
願言披晦盲方寸保靈輝夜蟲不疑日斯言誠可悲

右燈火

千古皆出  
人意外夫  
無和者不  
思並至  
塵見之  
虛若

鯽鮒家誇池何曾羨江湖清世深恩澤於奴日嬉娛  
一朝遇秋涸頰尾上山處厨微軀不足云甘分醢與菹  
猶憐同隊侶殊濕窟泥塗蛟龍能致雨無心極眾魚

右池魚

昇平人買牛玉匣塵埃浮誰辨利與鈍外飾眩昏容昨  
鈐刀方得志權柄茂王侯李猫笑柯巧不假容睚眦讐  
曾聞昆吾鐵精剛無匹儔如何隨時世翻成繞指柔

右劍

一出中山窟分身幾百千貴賤不擇交奔走只隨緣  
壽雖以日計事自與年延或為董狐秉芬芳至今傳



或爲魏收用臭穢鎮綿綿均之盡心耳妍醜胡判然

右筆

牛溲或待用猪苓時爲帝小艸非棄材何能補聖世  
謬入梁公籠而佐廟堂計君臣徒相倚蒼生喘未起  
所舉非其能烏喙寧救飢誰明馬伏波珠犀是惹苴

右藥

竹杖綠底折竈前雜烏銀虛心寧買禍劫乃累身  
時情忌我直獨汝與我親月溪同逐涼花塢共探春  
酒瓢荷以出藥圃植而耘昔人重敵履能忍燒作新

右折竹杖

子成  
似成  
成

吉凶如糾繩端緒誰得知朱紱人所戀綠綺事堪悲  
禁網非疏濶弋者紛相追纖烟能燥山素練固可緇  
恐君經綸材或觸縲綆機何當解印綬與澄江理釣絲

右絲

丈夫清天下不事一椽屋奈何守病牀頭顱半已禿  
升羊閱時世思之益爛熟古道試新坡名關掃舊躡  
常閉趙壹門耻作曹參僕千金享此心庶無俗埃黷

右帚

養痾放天慵匏繫故山隅瓜地接我廬年羊任荒蕪  
時自尋詩行相攜酒一壺吏人看我閉目吾爲大瓠



富兒朝我貧指吾笑胡盧武仲擲天下此好未全愚  
右酒瓢

即事

雪松漸重宿鴉驚枕上孤燈暗復明夜半衾裯如發  
水前山猶過驛鈴聲

先得結  
句後足  
其餘耳  
思會於  
內聲飛  
於外信  
哉

黃葉夕陽村舍詩卷之二



早稲田大学図書館

011888009290